

故宮
珍本
刊

唐

晉

統

籤

共十四冊
第四冊



故宮博物院編

海南出版社

故宮珍本叢刊第 598 冊元明詩文總集

故宮博物院編

唐音統籤

第四冊（共十四冊）

海南出版社

圖書在版編目(CIP)數據

唐音統籤/(明)胡震亨輯。—影印本。—海口:海南出版社,2000.10
(故宮珍本叢刊)

ISBN 7-80645-745-3

I. 唐… II. 胡… III. 唐詩—選集 IV. Z121.7

中國版本圖書館 CIP 數據核字(1999)第 68751 號

故宮珍本叢刊第 598 冊

元明詩文總集

唐音統籤

第四冊(共十四冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:26 印數:1-400 冊

ISBN 7-80645-745-3/Z·23

定價:2260 元(共 14 冊)

本書如有印裝質量方面問題請與我社或承印廠聯係

我社爲本書每冊(種)書新編的目錄均置於每冊書末

丁籤十五韋應物之七

唐音統籤卷二百二十七

五言古詩七

自尚書郎出爲滁州刺史留別朋友兼示諸

弟

少年不達仕秉笏東西京中歲守淮郡奉命乃征
行素慙省閣姿况忝符竹榮効愚方此始顧私豈
獲并徘徊親交戀愴恨昆友情日暮風雪起我去
子還城登塗建隼旗勒駕望承明雲臺煥中天龍
關轡上征晨興奉早朝玉露沾華纓一朝從此去
服膺理庶氓皇恩儻歲月歸復厠群英

唐音統籤卷二百二十七

送元錫楊凌

荒林窮山郭積水成秋晦端居意自違兄別親與
愛歡筵慊未足離燈悄已對還當掩郡閣佇君方
此會

送楊氏女

永日方感感出門復悠悠女子今有行大江泝輕
舟爾輩况無恃撫念益慈柔幼爲長所育幼女爲楊氏所
育兩別泣不休對此結中腸義往難復留自小關
內訓言早無恃事姑貽我憂賴茲託令門仁卹庶無尤
貧儉誠所尚資從豈待周孝恭遵婦道容止順其

猷別離在今晨見爾當何秋居閒始自遣臨感忽
難收歸來視幼女零淚綠纓流

送中弟

秋氣入疎戶離人起晨朝山郡多風雨西樓更蕭
條嗟予淮海老送子關河遙同來不同去沉憂寧
復消

寄別李儋

首戴惠文冠心有決勝籌翩翩四五騎結束向并
州名在相公幕丘山恩未酬妻子不及顧親友安
得留風昔同文翰交分共綢繆忽枉別離札涕淚

唐音統籤

卷二百二十七

一交流遠郡臥殘雨涼氣滿西樓想子臨長路時
當淮海秋

送丘員外還山

長棲白雲表暨訪高齋宿還解郡邑諠歸泛松江
綠結茅隱蒼嶺伐薪響深谷同是山中人不知往
來麴蘊芝非庭草遼鶴匪池鷺終當署里門一表
高陽族

重送丘二十二還臨平山居

歲中始再覲方來又解携纔留野艇語丹醕別有
曉野艇纔已憶故山棲幽澗人夜汲深林鳥長啼
客勝之句

還持郡齋酒慰此霜露妻

送鄭端公弟移院常州

時瞻憲臣重禮爲內兄全公程儻見責私愛信不
憊况咎陪朝列今茲俱海隅清觴方對酌天書忽
告遷豈徒咫尺地使我心思綿應當自此始歸拜
雲臺前

送陸侍御還越

君藩久不樂遇子聊一欣英聲頗籍甚交辟廼時
珍繡衣過舊里驄馬輝四鄰敬恭尊郡守賤簡具
州民謬忝誠所規思懷方見申置榻宿清夜加邊

唐音統籤

卷一百二十七

三

丁

燕良辰遵塗還盛府行舫遠長津自有賢方伯得
此文翰賓

送崔叔清遊越

忘茲適越意愛我郡齋幽野情豈好謁詩興一相
留遠水帶寒樹闌門望去舟方伯憐文士無爲成
滯遊

送雲陽鄭儒立少府侍奉還京師

建中卽藩守天寶爲侍臣歷觀兩都士多閱諸侯
人鄉生乃後來英俊亦罕倫爲文頗瓌麗稟度自
貞醇甲科推令名延閣播芳塵再命趨王畿請告

奉慈親一鍾信榮祿可以展歡忻昆弟俱時秀長
衢當自伸聊從郡閣暇美此時景新方將極娛宴
已復及離辰省署慙再入江海綿十春今日閭門
路握手子歸秦

送豆盧策秀才

歲交冰未九地卑海氣昏子有京師遊始發吳閶
門新黃含遠林微綠生陳根詩人感時節行道當
憂煩古來濩落者俱不事田園文如金石韻豈乏
知音言方辭郡齋榻已酌離亭尊無爲倦羈旅一
去高飛翻

唐音統籤

卷一百二十七

四

丁

送劉評事

聲華滿京洛藻翰發陽春未遂鴟鴻舉尚爲江海
賓吳中高宴罷西上一遊秦已想函關道遊子冒
風塵籠禽羨歸翼遠守懷交親况復歲云暮稟稟
冰霜辰旭霽開卽開龍餞集文人洞庭摘朱實松
江獻白鱗丈夫豈恨別一酌且歡忻

送雷監赴闕庭

才大無不備出入爲時須雄藩精理行祕府擢文
儒詔書忽已至焉得久踟躕方舟趁朝謁觀者盈
路衢廣筵列衆賓送爵無停迂攀餞誠愴恨賀榮

且歡娛長陪柏梁宴日向丹墀趨時方重右職蹉跎獨海隅

南池宴餞子辛賦得科斗

熙寧校本補又見岑參集

臨池見科斗美爾樂有餘不愛細與鈞幸得免爲魚且願充文字登君尺素書

傷逝

此後數逝哀傷十九首盡同德精舍舊居傷懷時所作

染白一爲黑焚水盡成灰念我室中人遊去亦不迴結髮二十載賔敬如始來提携屬時屯契闊憂患災承素亮爲表禮章夙所該任公不及私百事委令才一旦入閨門四壁滿塵埃斯人既已矣觸唐音統籤卷二百二十七五丁

物但傷摧單居移時節泣涕撫嬰孩知妄謂常遭臨感要難裁夢想忽如睹驚起復徘徊此心良無已遠屋生蒿萊

往富平傷懷

晨起凌嚴霜慟哭臨素帷駕言百里塗惻愴復何爲昨者仕公府屬城常載馳出門無所憂返室亦熙熙今者掩筠扉但聞童稚悲丈夫須出入顧爾內無依銜恨已酸骨何況苦寒時單車路蕭條迴首長逶遲飄風忽截野嘹唳鴈起飛昔時同往路獨往今詎知

山還

昔出喜還家今還獨傷意入室掩無光銜哀寫虛位悽悽動幽慢寂寂驚寒吹幼女復何知時來庭下戲咨嗟日復老錯莫身如寄家人勸我食對案空垂淚劉辰翁云唐人詩氣短蘇州氣平短與平人不欲甚悲絕及其悼亡自不能不短耳短者使再讀

冬夜

杳杳日云夕鬱結誰爲開單衾自不暖霜霰已皚皚晚歲淪夙志驚鴻感深哀深哀當何爲桃李忽凋摧惟帳徒自設冥冥豈復來平生雖思重遷去唐音統籤卷二百二十七六丁

託窮埃抱此女青恨願非高世才振衣中夜起河漢尚徘徊

送終

奄忽逾時節日月獲其長蕭蕭車馬悲祖載發中堂生平同此居一旦異存亡斯須亦何益終復委山岡行出國南門南望鬱蒼蒼蒼蒼日入乃云造慟哭宿風霜晨暈俯玄廬臨訣但遑遑方當永潛翳仰視白日光俯仰遽終畢封樹已荒涼獨留不得還欲去結中腸童稚知所失啼號捉我裳卽事猶倉卒歲月始難忘劉辰翁云哀傷如此豈有和聲哉而據照條達愈後愈長

除日

思懷耿如昨季月已云暮忽驚年復新獨恨人成
故冰池始泮綠梅援還飄素淑景方轉延朝朝自
難度

對芳樹

迢迢芳園樹列映清池曲對此傷人心還如故時
綠風條灑餘霜露葉承新旭佳人不冉攀下有往
來躅

月夜

皓月流春城華露積芳草坐念綺窓空翻傷清景
唐音統籤 卷二百二十七 七 丁
好清景終若斯傷多人自老

歎楊花

空蒙不自定况值暄風度舊賞逐流年新愁忽盈
素纔縈下苑曲稍滿東城路人意有悲歡時芳獨
如故

過昭國里故第

不復見故人一來過故宅物變知景暄心傷覺時
寂池荒野筠合庭綠幽草積風散花意謝鳥還山
光夕宿昔方同賞詎知今念昔緘室在東廂遺器
不忍覩柔翰全分意芳巾尚染澤殘工委篋篋餘

素經刀尺收此還我家將還復愁惕永絕攜手歡
空存舊行迹冥冥獨無語杳杳將何適唯思今古
同時緩傷與戚

夏日

已謂心苦傷如何日方永無人不晝寢獨坐山中
靜悟澹將遺慮學空庶遺境積俗易為侵愁來復
難整

端居感懷

沉沉積素抱婉婉屬之子永日獨無言忽驚振衣
起方如在幃室復悟永終已雅于傷思絕盛時若
唐音統籤 卷二百二十七 八 丁

流水喧涼同寡趣朗晦俱無理寂性常喻人滯情
今在已空房秋云暮巢舊亦來止夏木遽成陰綠
苔誰復履感至竟何方幽獨長如此

悲紈扇

非關秋節至詎是恩情改掩頓人已無委篋涼空
在何言永不繫暗使銷光彩

閒齋對雨

幽獨自盈抱陰淡亦連朝空齋對高樹疎雨共蕭
條巢鷺翻泥濕蕙花依砌消端居念往事倏忽苦
驚飛

林園晚霽

雨歇見青山落日照林園山夕烟鳥亂林清風景
翻提携唯子弟蕭散在琴言同遊不同意耿耿獨
傷魂寂寞鐘已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒雨
滴微風時動牖殘燈尚留壁惆悵平生懷偏來委
今夕

霜露已淒淒星漢復昭回朔風中夜起驚鴻千里
來蕭條涼葉下寂寞清砧哀歲晏仰空宇心事若

唐音統籤

卷二百二十七

九

寒灰

感夢

歲月轉蕪漫形影長寂寥髮髯觀微夢感歎起中
宵綿思霽流月驚魂颯迴颺誰念茲夕永坐令顏
頤彫

同德精舍舊居傷懷

洛京十載別東林訪舊屏山河不可望存歿意多
違時遷跡尚在同去獨來歸還見窓中鴿日暮遑
庭飛

悲故交

白壁衆求瑕素絲易成汗萬里顛沛還高堂已暮
暮積憤方盈抱纏哀忽逾度念子從此終黃泉竟
誰訴一爲時事感豈獨平生故唯見荒丘原野草
塗朝露

張彭州前與緱氏馮少府各惠寄一篇多故

未荅張已云歿因追哀叙事兼達簡馮生

君昔掌文翰西垣復石渠朱衣乘白馬輝光照里
閭余時忝南省接燕姬空虛一別守茲郡蹉跎歲
再除常懷關河表永日簡牘餘郡中有方塘京闕
封紅蕖金玉蒙遠貺篇詠見吹噓未荅平生意已

唐音統籤

卷二百二十七

十

歿九原居秋風吹寢門長慟涕連如覆視絨中宇
奄爲昔人書髮鬢已云白交友日彫疎馮生遠同
恨慙悴在田廬

東林精舍見故殿中鄭侍御題詩追舊書情

涕泗橫集因寄呈閻禮州馮少府

仲月景氣佳東林一登歷中有故人詩婁京在高
壁精思長懸世音容已歸寂墨澤傳灑餘磨滅親
翰跡平生忽如夢百事皆成昔結騎京華年揮文
篋筭積朝廷重英彥時輩分珪璧永謝栢梁陪獨
闕金門籍方嬰存歿感豈暇林泉適雨餘山景寒

風散花光夕新知雖滿堂故情誰能覩唯當時
友絨寄空懷感

至開化里壽春公故宅

寧知府中吏故宅一徘徊歷階存往敬瞻位泣餘
哀廢井沒荒草陰牖生綠苔門前車馬散非復昔
時來

唐音統籤

卷二百二十七

七

丁

卷終

丁籤十五韋應物之八

唐音統籤卷

二百二十八

七言古詩

驪山行

君不見開元至化垂衣裳厭坐明堂朝萬方訪道
靈山降聖祖沐浴華池集百祥千乘萬騎被原野
雲霞草木相輝光禁仗囹山曉霜切離宮積翠夜
漏長玉階寂歷朝無事碧樹葳蕤寒更芳三清小
鳥傳仙語九華真人奉瓊漿下元昧爽徧恒秩登
山朝禮玄元室翠華稍隱天半雲丹閣先明海中
日羽旌旄節憩瑤臺清絲妙管從空來萬井九衢
皆仰望彩雲白鶴方徘徊憑高覽古嗟寰宇造化
茫茫思悠哉秦川八水長繚繞漢氏五陵空崔嵬
乃言聖祖奉丹經以年爲日億萬齡蒼生感壽陰
陽奉高謝前王出塵外英豪共理天下晏戎夷
伏兵無戰時豐賦歛未告勞海隅珍奇亦來獻于
戈一起文武乖歡娛已極人事變聖皇弓劍墜幽
泉古木蒼山閉宮殿續承鴻業聖明君威震六合
驅妖氛太平遊幸今可待湯泉嵐嶺還氛氲

溫泉行

出身天寶今年幾頑鈍如鈍命如紙作官不了却

來歸還是杜陵一男子北風慘慘投溫泉忽憶先
皇遊幸年身騎廐馬引天仗直入華清列御前五
林瑤雪滿寒山上昇玄閣遊絳煙平明羽衛朝萬
國車馬合沓溢四鄽蒙恩每浴華池水扈獵不蹂
渭北田朝廷無事共歡燕美人絲管從九天一朝
鑄鼎降龍馭小臣髯絕不得去今來蕭瑟萬井空
唯見蒼山起煙霧可憐踰蹬失風波仰天大叫無
奈何樊裘羸馬凍欲死賴遇主人杯酒多

白沙亭逢吳叟歌

龍池宮裏上皇時羅衫寶帶香風吹滿朝豪士今
唐書統載 卷二百二十八 丁

已盡欲話舊遊人不知白沙亭上逢吳叟愛客脫
衣且沽酒問之執戟亦先朝零落艱難却負樵親
觀文物蒙雨露見我昔年侍丹霄冬狩春祠無一
事歡遊洽宴多頒賜嘗陪夕月竹宮齋每返溫泉
灞陵醉星歲再周十二辰爾來不語今爲君盛時
忽去良可恨一生坎壈何足云

高奪巢

野鵲野鵲巢林梢鵲恃力奪鵲巢吞鵲之肝啄
鵲腦竊食偷居常自保鳳凰五色百鳥尊知鵲爲
害何不言霜鵲野鵲得殘肉同啄羶腥不肯逐可

憐百鳥生縱橫雖有深林何處宿

長短句

漢武帝雜歌三首

漢武好神仙黃金作臺與天近王母摘桃海上還
感之西過聊問訊欲來不來夜未央殿前青鳥先
迴翔綠鬋紫雲裾曳霧雙節飄飄下仙步白日分
明到世間碧空何處來時路玉盤捧桃將獻君脚
鐶未去留彩雲海水桑田幾翻覆中間此桃四五
熟可憐穆滿瑤池燕正值花開不得薦花開子熟
安可期邂逅能當漢武時顏如芳華潔如玉心念
唐書統載 卷二百二十八 三 丁

我皇多嗜欲雖留桃核桃有靈人間糞土種不生
由來在道豈在藥徒勞方士海上行掩扇一言相
謝去如煙非煙不知處
金莖孤峙兮凌紫煙漢宮美人望杳然通天臺上
月初出承露盤中珠正圓珠可飲壽可永武皇南
面曙欲分從空下來玉杯冷世間綠翠亦作囊八
月一日仙人方仙方稱上藥靜者服之常綽約栢
梁沉飲自傷神猶聞駐顏七十春乃知其醲皆是
腐腸物獨有淡薄之水能益人千載金盤竟何處
當時鑄金恐不固蔓草生來春復秋碧天何言空

墜露

漢天子觀風自南國浮舟大江屹不前蛟龍索闔
風波黑春秋方壯雄武才學孤叱浪連山開愕然
觀者千萬衆舉麾齊呼一矢中死蛟浮出不復靈
舳艫千里江水清鼓聲餘響數日在天吳深入魚
鼈驚左有飲飛落霜翮右有孤兒貫犀革何爲臨
深親射蛟示威以奪諸侯魄威可畏呈可尊平田
校獵書猶陳此日從臣何不言獨有威聲振千古
君不見後嗣尊爲武

王母歌

唐音統籤

卷二百二十八

四

丁

衆仙與神母羽蓋隨雲起上遊玄極杳冥中下看
東海一杯水海畔種桃經幾時千年開花千年子
玉顏眇眇何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓
雙檢中有玉牀鋪玉簾立之一隅不與言玉體安
穩三日眠馬生一立心轉堅知其丹白蒙哀憐安
期先生來起居請示金鑑玉珮天皇書神女呵責
不合見仙子謝過手足戰大瓜玄棗冷如冰海上
摘來朝霞凝賜仙復坐對食訖領之使去隨煙升

乃言馬生合不死少姑教勅令付爾安期再拜將
生出一授素書天地畢

尊綠華歌

有一人兮昇紫霞書名玉牒兮尊綠華仙容矯矯
兮雜瑤珮輕衣重重兮蒙絳紗雲雨愁思兮望淮
海鼓吹蕭條兮駕龍車世滯濁兮不可降胡不來
兮玉斧家

龜頭山神女歌

補

龜頭之山直上洞庭連青天蒼蒼煙樹閉古廟中
有蛾眉成水仙水府沉沉行路絕蛟龍出沒無時
唐音統籤

卷二百二十八

五

丁

節魂回魍魎潛太陰身與空山長不滅東晉永和
今幾代雲髮素顏猶昨跡陰深靈氣靜凝美的際
龍綃雜瓊瑛山精木魅不敢親昏明想像如有人
惠蘭瓊芳積煙露碧窓松月無冬春舟客經過莫
椒醕巫女南音歌激楚碧玉冥空唯鳥飛長天何
處雲隨雨紅蕖綠蘋芳意多玉靈蕩漾凌清波孤
峰絕島儼相向鬼嘯猿垂垂女蘿皓雪瓊林殊異
色北方絕代徒傾國雲沒煙銷不可期明堂翡翠
無人得精靈變態狀無方遊龍宛轉驚鴻翔湘妃
獨立九疑暮漢女菱歌春日長始知仙事無不有

可惜吳宮空白首

金谷園歌

石氏滅金谷園中水流絕當時豪右爭騶侈錦爲
步障四十里東風吹花雪滿川紫氣凝閣朝景妍
洛陽陌上人回首絲竹飄飄入青天晉武平吳恣
歡燕餘風靡靡朝廷變嗣世衰微誰肯憂二十四
友日日空追遊追遊詎可足其惜年華促禍端一
發埋恨長百草無情春自綠

夏水歌

出自玄泉杳杳之深井及在朱明赫赫之炎辰九

唐音統籤卷二百二十八

六

丁

天含露未銷鑠閭闔初開賜貴人碎如墜瓊方截
瑤粉壁生寒象筵布玉壺紈扇亦玲瓏座有麗人
色俱素咫尺炎涼變四時出門焦灼君詎知肥羊
甘醴心悶悶飲此瑩然何所思當念闌干鑿者苦
臘月深井汗如雨

信州錄事參軍常曾古鼎歌

三年糾一郡獨飲寒泉井江南鑄器多鑄銀罷官
無物唯古鼎雕螭刻篆相錯蟠地中歲久青苔寒
左對蒼山右流水云有古來葛仙子葛仙埋之何
不還耕者鎡然得其間持示世人不知寶勸君鍊

丹永壽考

石鼓歌

周宣大獵兮岐之陽刻石表功兮燁煌煌石如鼓
形數止十風雨缺訛苔蘚澁今人濡紙脫其文旣
擊旣埽白黑分忽開滿卷不可識驚潛動蟄走云
云喘急送逸句糾錯乃是宣王之臣史籀作一書
遺此天地間精意長存世冥冥秦家祖龍還刻石
碣石之罘李斯跡世人好古猶法傳持來比此殊
懸隔

樓閣蠅拂歌

唐音統籤卷二百二十八

七

丁

樓閣爲拂登君席青蠅掩亂飛四壁文如輕羅散
如髮馬尾龍牛不能絜柄出湘江之竹碧玉寒上
有纖羅縈縷尋未絕左揮右灑繁暑清孤松一枝
風有聲麗人紈素可憐色安能點白還爲黑

冠季膺古刀歌補

古刀寒鋒青械械少年結交平陵客求之時代不
可知千痕萬穴如星離重疊泥沙更剝落縱橫鱗
甲相參差古物有靈知所適貂裘拂之橫廣席陰
森白日掩雲虹錯落清光動金碧知君實此誇絕
代求之不得心常愛厭見今時繞指柔片鋒折刃

猶堪珮高山成谷滄海填英豪埋沒誰所捐吳鉤
斷馬不知處幾度煙塵今獨全夜光投人人不畏
知君獨識精靈器酬恩結思心自知死生好惡不
相棄白虎司秋金氣清高天寥落雲崢嶸月肅風
淒古堂淨精芒切切如有聲何不跨蓬萊斬長鯨
世人所好殊遼濶千金買鉛徒一割

彈碁歌

圓天方地局二十四氣子劉生絕藝難對曹客爲
歌其能請從中央起中央轉闔破欲開零落勢背
誰能彈此中舉一得六七旋風忽散霹靂疾履機
唐音統籤 卷二百二十八 八 丁
乘變安可當置之死地翻取強不見短兵反掌收
已盡唯有猛士守四方四方又何難橫擊上緣邊
豈如昆明與碣石一箭飛中隔遠天神安志愜動
十全滿堂驚視誰得然

寶觀主白鸚鵡歌

鸚鵡鸚鵡衆皆如漆爾獨如玉鸚之鸞之衆皆蓬
蒿下爾自三山來音三山處子下人間綽約不粧
冰雪顏仙鳥隨飛來掌上來掌上時拂拭人心鳥
意自無猜玉指霜毛本同色有時一去凌蒼蒼朝
遊汗漫暮玉堂巫峽雨中飛暫濕杏花林裏過來

香日夕依人全羽翼空欲銜環非報德豈不及阿
母之家青鳥見漢官來往傳消息

送褚校書歸舊山歌

握珠不返泉匣玉不歸山明皇重士亦如此忽得
褚生何得還方稱羽獵賦未拜蘭臺職漢篋亡書
已暗傳嵩丘遺簡還能識朝朝待詔青鑲闕中有
萬年之樹蓬萊池世人仰望棲此地生獨徘徊意
何爲故山可往微可採一自人間星歲改藏書壁
中苔半侵洗藥泉中月還在春風飲饒瀾陵原莫
厭歸來朝市喧不見東方朔避世從容金馬門

唐音統籤

卷二百二十八

九

丁

古劍行

千年土中兩刃鐵土蝕不入金星滅沉沉青脊鱗
甲滿蛟龍無足蛇尾斷忽欲動中有靈豪士得之
敵國寶仇家舉意半夜鳴小兒女子不可近龍蛇
變化此中隱夏雲奔走雷開闢恐成霹靂飛上天

五弦行

美人爲我彈五弦塵埃忽靜心悄然古刀幽磬初
相觸千珠貫斷落寒玉中曲又不喧徘徊夜長月
當軒如伴流風繁艷雪更逐落花飄御園獨鳳寥
寥有時隱碧霄來下聽還近燕姬有恨楚客愁言

之不盡聲能盡末曲感我情解幽釋結和樂生壯
士有仇未得報拔劍欲去憤已平夜寒酒多愁遠
明

顰鼓行

淮海生雲幕慘澹廣陵城頭顰鼓暗寒聲坎坎風
動邊忽似孤城萬里絕四望無人煙又如虜騎截
遼水胡馬不食仰朔天座中亦有燕趙士聞顰不
語客心死何況鰥孤火絕無晨炊獨婦夜泣官有
期

橫塘行

唐音統籤 卷二百二十八

十

丁

妾家住橫塘夫婿鄰家郎玉盤的歷矢白魚湘簾
玲瓏透象牀象牀可寢魚可食不知郎意何南北
岸上種蓮豈得生池中種蓮豈得成丈夫一去花
落樹妾獨長夜心未平

酒肆行

豪家沽酒長安陌一旦起樓高百尺碧疏玲瓏舍
春風銀題綵幟邀上客迴瞻丹鳳闕直視樂遊苑
四方稱賞名已高五陵車馬無近遠晴景悠揚三
月天桃花飄絮柳垂筵繁絲急管一時合他爐隣
肆何寂然主人無厭且專利百斛須臾一壺費初

醲厚薄爲大偷飲者知名不知味深門潛醞客來
稀終歲醇醲味不移長安酒徒空搜搜路旁過去
那得知

長安道

漢家宮闕含雲烟兩宮十里相連延晨霞出沒弄
丹闕春雨依微自甘泉春雨依微春尚早長安貴
遊愛芳草寶馬橫來下建章香連却轉避馳道貴
遊誰最貴衛霍世難比何能蒙主恩幸過邊塵起
歸來甲第拱皇居朱門峨峨臨九衢中有流蘇合
秋之寶帳一百二十畝望羅列含明珠下有錦鋪

唐音統籤 卷二百二十八

十一

翠被之繁爛博山吐香五雲散麗人綺閣情飄飄
頭上鴛鴦髮翠翹低鬟曳袖迴春雪雲聚黛一掃愁
碧霄山珍海錯并藩籬烹膾魚羔如折葵既請列
侯封部曲還將金印授盧兒欲榮若此何所苦但
苦白日西南馳

調嘯詞二首

胡馬胡馬遠放燕支山下跑沙跑雪獨嘶東望西
望路迷迷路迷路迷草無窮日暮
河漢河漢曉掛秋城漫漫愁人起望相思江南塞
北別離離別離別河漢離離同路絕

丁籤十五韋應物之九

唐音統籤卷二十九

五言律詩

陪元侍御春遊

何處醉春風長安西復東不因俱罷職豈得此時
同賞酒宣平里尋芳下苑中往來楊柳陌猶避昔
年驄

陪王郎中尋孔徵君

紹興本據顧
陶編詩補

俗吏閒居少同人會面難偶隨香署客來訪竹林
歡暮館花微落春城雨暫寒幾間聊共酌莫使宦
情闕

唐音統籤

卷一百二十九

丁

淮上喜會梁川故人

江漢曾爲客相逢每醉還浮雲一別後流水十年
間歡笑情如舊蕭疎鬢已斑何因不歸去淮上對
秋山

揚州偶會前洛陽盧耿主簿

應物頃貳洛陽
常有連騎之遊

楚塞故人稀相逢本不用猶存袖裏字忽惟賢中
絲客舍盈樽酒江行滿篋詩更能連騎出還似洛
橋時

淮上遇洛陽李主簿

結茅臨古渡聞見長淮流
曉裏人將老門前樹已

秋寒山獨過鴈暮雨遠來舟日夕逢歸客那能忘
舊遊

月夜會徐十一草堂

空齋無一事岸幘故人期暫輟觀書夜還題說月
詩遠鐘高枕後清露卷簾時暗覺新秋近殘河欲
曙遲

夜偶詩客操公作

塵襟一蕭灑清夜得禪公遠自鶴林寺了知人世
空驚禽翻暗葉流水注幽叢多謝非玄度聊將詩
興同

唐音統籤

卷一百二十九

丁

酬泰徵君春日撫州西亭野望兼寄徐少府

補

終日愧無政與君聊散襟城根山半腹亭影才中
心朗詠竹窻靜野情花逕深那能有餘興不作剡
溪尋

酬豆盧倉曹題庫壁見示

掾局勞才子新詩動洛川運籌知決勝聚米似論
邊宴罷常分騎晨趨又比肩莫嗟年鬢改郎署定
推先

寄酬李博士永寧主簿叔廳見待

解鞅先幾日款曲見新詩定向公堂醉遙憐獨去

時葉霑寒雨落鐘度遠山遲晨策已云整當同林

下期

奉和張大夫戲示青山郎

天生逸世姿竹馬不習騎覽卷冰將釋授毫露欲

垂金貂傳幾葉玉樹長新枝榮祿何妨早甘羅亦

小兒

期廬嵩枉書稱日暮無馬不赴以詩荅

佳期不可失終願枉衡門南陌人猶度西林日未

昏庭前空倚杖花裏獨留尊莫道無來駕知君有

唐音範義

卷二百二十九

三

丁

短轅

任洛陽丞荅前長安田少府問

相逢且對酒相問欲何如數歲猶卑吏家人笑著

書告歸應未得榮宦又知疎日日生春草空令憶

舊居

荅史館張學士同柳庶子學士集賢院看花

見寄兼呈柳學士

班揚秉文史對院自爲隣餘香掩閣去遲日看花

頻似雪亂闌闔從風點近臣南宮有芳樹不並禁

垣春

對韓少尹所贈硯有懷

故人謫遐遠留硯寵斯文白水浮香墨清池滿夏

雲念離心已永感物思徒紛未有桂陽使裁書一

報君

趨府候曉呈兩縣僚友

趨府不遑安中宵出戶看滿天星尚在近壁燭仍

殘立馬頻驚曙垂簾却避寒可憐同宦者應悟下

流難

假中對雨呈縣中僚友

卻足甘爲笑閒居夢杜陵殘鶯知夏淺社雨報年

唐音範義

卷二百二十九

四

丁

登流麥非關忘收書獨不能自然憂曠職緘此謝

良朋

將發楚州經寶應縣訪李二忽於州館相遇

月下書事因簡李寶應

孤舟欲夜發祇爲訪情人此地忽相遇留連意更

新停杯嗟別久對月語家貧一問臨叩令如何待

上賓

贈蕭河南

厭劇辭京縣褒賢待詔書鄴侯方繼業潘令且開

居齊後三川冷秋深萬木疎對琴無一事新興復

何如

對雨贈李主簿高秀才

邈迤曙雲薄散漫東風來青山漏春野微雨灑輕埃吏局勞佳士賓筵得上才終朝狎文墨尚興共徘徊

贈崔員外

一別十年事相逢淮海濱還思洛陽日更話府中人且對清觴滿寧知白髮新忽忽何處去車馬冒風塵

示從子河南尉班并序

唐音統籤卷二百二十九

五

丁

承泰中余任洛陽丞以僕扶軍騎時從子河南尉班亦以剛直爲政俱見訟于居守因詩示意府縣好我者豈曠斯文

拙直余恒守公方爾所存同占朱鳥尅俱起小人言立政思懸棒謀身類觸藩不能林下去祇戀府廷恩

早春對雪寄前殿中元侍御

掃雪開幽徑端居望故人猶殘臘月酒更值早梅春幾日東城陌何時曲水濱聞閒且共賞莫待爛衣新

寄洪州幕府盧二十一侍御

自南昌令拜頂同官洛陽

忽報南昌令乘驄入郡城同時趨府客此日望塵迎文苑臺中妙水壺幕下清洛陽相去遠猶使故林榮

雪中聞李偕過門不訪聊以寄贈

度門能不訪冒雪屢西東已想人如玉遙憐馬似聰乍迷金谷路稍變上陽官還比相思意紛紛正滿空

李五席送李主簿歸西臺

請告嚴程盡西歸道路寒欲陪鷹隼集猶戀鵲鴒單洛邑人全少嵩高雪尚殘滿臺誰不故報我在微官

唐音統籤卷二百二十九

六

丁

送宣城路錄事

江上宣城郡孤舟達到時雲林謝家宅山水敬亭祠綱紀多閒日觀遊得賦詩都門且盡醉此別數年期

送李二歸楚州

時李季弟收楚州被訟赴急

情人南楚別復詠在原詩忽此嗟岐路還令泣素絲風波朝夕遠音信往來遲好去扁舟客青雲何處期

送元倉曹歸廣陵